

Pozivno pismo

Poštovane i drage kolegice i kolege, studenti, sestre i tehničari!

Čast i zadovoljstvo nam je pozvati Vas na stručni skup pod nazivom **“Sekcija pedodonata USFBiH 2023.g.”** u organizaciji Udruženja stomatologa FBiH, koji će se održati u subotu 09.12.2023. g. u Hotelu Holiday u Sarajevu, sa početkom u 9:00 sati.

Vjerujemo da će predavanja i ostali sadržaji koje smo pripremili za Vas donijeti korisna saznanja i novu energiju za Vaš svakodnevni rad.

Ovaj skup je namijenjen svim članovima dentalnog tima, doktorima, studentima, sestrama/asistentima. Predavanja po pozivu će održati renomirani predavači sa Univerziteta u Sarajevu, Mostaru i Beogradu. Teme koje će biti prezentirane su savremene i aktuelne oblasti preventivne i dječije stomatologije, dentalne traumatologije, dječije psihologije, regenerativne endodoncije i ortodoncije. Stomatolozi će također imati priliku da aktivno učestvuju kroz kratke prezentacije svojih naučnih radova ili prikaze slučaja. U sklopu skupa će biti postavljena tematska izložba na kojoj će naši sponzori prezentirati nešto iz svojih asortimana sredstava za oralnu higijenu, dentalnih materijala i zdrave hrane.

Pozivamo vas da svojim prisustvom podržite ovaj događaj, proširite svoje znanje, saznate novitete iz struke i nauke u ugodnom okruženju kolega i prijatelja. Posebno se radujemo susretu sa našim uvaženim penzionisanim specijalistima dječije i preventivne stomatologije, koji su oslobođeni plaćanja kotizacije za ovaj skup.

Radujemo se susretu s Vama.

Srdačan pozdrav

Prof.dr. Sedin Kobašlija

Predsjednik USFBiH

Prim.mr. sc. Damir Duratbegović

Predsjednik Sekcije pedodonata

Upute za prijavu usmenih prezentacija

Pozivamo Vas da svoja iskustva u kliničkom i naučno-istraživačkom radu prezentirate kroz usmene prezentacije. Usmene prezentacije iz oblasti dječije i preventivne stomatologije će biti pojedničanog trajanja do 5 min.

Radovi se prijavljuju na e-mail adresu ***spusfbih@gmail.com*** a rok za prijavu radova je **24.11.2023.g.** Prezentirati se mogu naučnoistraživački radovi i prikazi slučaja.

Prijava rada treba da sadrži:

a) osnovne informacije o radu: naslov rada, vrsta rada (prikaz slučaja ili naučno-istraživački rad), ime i prezime glavnog autora (prezentera) i koautora (maksimalno 4 koautora), zdravstvene ustanove autora i koautorâ

b) sažetak (abstrakt) rada do 250 riječi. Sažetak naučno-istraživačkog rada treba da ima 4 dijela: cilj, metod, rezultati, zaključak. Sažetak prikaza slučaja treba da sadrži 3 dijela: uvod, prikaz slučaja, zaključak.

Prezentacije na skupu su isključivo usmene uz Power point prezentaciju i uz maksimalno trajanje do 5 minuta. Pravo na umanjenu kotizaciju ostvaruje samo prvi, prezentirajući autor. Da bi rad bio prezentiran, mora biti plaćena kotizacija za glavnog autora. Abstrakti radova podliježu recenziji, a autori će biti blagovremeno obaviješteni o odluci Naučnog odbora. Abstrakti će biti objavljeni u knjizi sažetaka koja će u PDF formatu biti dostupna na stranici Udruženja stomatologa FBiH ***usfbih.org.ba*** Tačan broj bodova za autore i koautore će biti objavljeni uskoro.